



Our Ref:
Your
Ref:
Date: 04 December
2024
Contact:
Tel:
E-mail: afaenquiries@decymru-tan.gov.uk

Annwyl Sy/Fadam,

Parthed: Newid trefniadau mynychu larymau tân awtomatig.

Mae'n bosibl y byddwch yn cofio i ni ysgrifennu atoch ar y 03 Medi 2024 i'ch hysbysu am newid yn y ffordd y bydd Gwasanaeth Tân ac Achub De Cymru yn ymateb i achosion o Larymau Tân Awtomatig (LTA) o'r 6ed Ionawr 2025 ymlaen.

Mae Gwasanaeth Tân ac Achub De Cymru yn parhau i ddiwygio ein hymateb i weithrediadau LTA, lle na cheir cadarnhad o dân. Mae hyn er mwyn lleihau'r nifer sylweddol o Larymau Tân Ffug yr ydym yn eu mynychu ar hyn o bryd.

Wedi ystyried adborth a dderbyniwyd trwy ein proses ymgysylltu ac addysg, mae'r Gwasanaeth wedi penderfynu **ymestyn ei restr o adeiladau sydd wedi'u heithrio o'r polisi newydd ac na fydd model risg cysgu yn ystod y nos yn unig yn cael ei gychwyn o hyn allan.** Mae'r newid hwn i'n model ymateb yn dangos ein hymrwymiad i wrando ar yr adborth a dderbyniwyd gan ein rhanddeiliaid mewnol ac allanol a gweithredu'n gyfrifol amdano. Bydd y rhestr safleoedd isod yn cael ymateb i signalau larwm tân yn ystod y dydd a'r nos (24/7) o'r 6ed o Ionawr 2025.

1. **Eiddo Preswyl** (gan gynnwys, ond heb fod yn gyfyngedig i - blociau fflatiau, neuaddau preswyl myfyrwyr, llety staff GIG, tai gwarchod, tai amlfeddiannaeth, Cartrefi Nyrsio a Gofal Preswyl)
2. **Adeiladau addysgol** (meithrinfeydd, ysgolion, colegau/prifysgolion)
3. **Adeiladau treftadaeth** (adeiladau rhestredig Gradd I a II, amgueddfeydd, llyfrgelloedd)

Os nad yw eich eiddo yn perthyn i unrhyw un o'r categorïau adeiladu uchod, ni fydd y Gwasanaeth yn ymateb i LTA yn eich adeilad yn ystod y dydd neu'r nos.

Pencadlys Gwasanaeth Tân ac Achub De Cymru,
Parc Busnes Forest View, Llantrisant, Pont-y-clun, CF72 8LX.

Ffôn 01443 232000 • Ffacs 01443 232180
www.decymru-tan.gov.uk

Rydym yn croesawu gohebiaeth yn y gymraeg a'r saesneg - byddwn yn ymateb yn gyfartal i'r ddau ac yn ateb yn eich dewis iaith heb oedi.

CODI YMWHYBYDDIAETH - LLEIHU PERYGL

South Wales Fire and Rescue Service Headquarters,
Forest View Business Park, Llantrisant, Pontyclun, CF72 8LX.

Telephone 01443 232000 • Fax 01443 232180
www.southwales-fire.gov.uk

We welcome correspondence in Welsh and English - we will respond equally to both and will reply in your language of choice without delay.

RAISING AWARENESS - REDUCING RISK

Byddwn bob amser yn ymateb i danau a gadarnhawyd a bydd y rhain yn denu ymateb brys llawn neu uwch, yn dibynnu ar y wybodaeth a dderbynnir.

Byddwn yn eich cyngori i adolygu eich asesiad risg tân a'ch strategaeth tân i gynnwys y gwelliant hwn a, lle bo angen, gwneud unrhyw newidiadau sydd eu hangen i gynnal trefniadau diogelwch tân effeithiol.

Mae hefyd croeso i chi neu gynrychiolwyr perthnasol eich sefydliad i ymweld â'n tudalen we LTA newydd sy'n cynnwys rhagor o wybodaeth am hyn yn:

<https://bit.ly/GTADC-Larymau-Tân-Awtomatig>

Yn gywir,



Prif Swyddog Tân

